

中国边疆研究资料文库·边疆史地文献初编

西北邊疆

第一輯

中国边疆研究资料文库·边疆史地文献初编

西北邊疆

第一輯

西
行
日
記

光緒辛巳孟
冬刊於上海

林氏方昭大尺遺像

南海龍共廣榮繪



其氣可以雄萬夫而凌九淵其才可
以任棟梁而軼驂騑其忠孝之至性
則又可以泣夫婦之愚而感鬼神之神
幽易乎斯人也吾方冀其濟時難而
建壯猷也而今已矣騎箕尾兮不返
笛遺像兮千秋

曲園俞樾謹題



光緒二年十二月三十日奉

上諭沈葆楨吳元炳奏道員稟請開缺懇請賞假一摺據稱江蘇蘇松太道馮煥光因伊父馮玉衡病故伊犁戍所稟請開缺前往等語馮煥光著加恩免其開缺賞假一年江蘇蘇松太道篆務著沈葆楨吳元炳揀員署理該部知道欽此

光緒四年六月十八日奉

上諭沈葆楨奏已故道員孝行可風懇恩宣付史館一摺前任江蘇蘇松太道馮煥光前請開缺出關尋覓父柩當經賞假一年免其開缺茲據奏稱該故員辭職遠行負骨萬里積勞病故實屬孝行可嘉著照所請准其宣付史館以彰至行欽此

兩江督憲奏稿
江蘇撫

奏爲據請乞

恩仰祈

聖鑒事竊據蘇松太道馮煥光稟稱親父候選知州馮玉衡因
被議發往新疆効力咸豐八年二月煥光偕胞弟豫光隨
侍出關十月抵伊犁戍所親父命煥光回京會試九年投
効宿松大營前大學士臣曾國藩委辦文案十一年綜理
安慶善後局務接到家信親父於是年三月在伊犁病故
當卽稟報丁憂出關迎柩因西路梗塞航海至天津取道

直隸山西出歸化城行至七月距古城子八站地方回逆
倡亂道塗梗阻草地戈壁無可覓食狼狽東歸旋經大學
士臣李鴻章奏派總理江南製造局同治十三年十一月
二十五日奉

旨補授蘇松太道煊光父樞寄厝伊犁城外庶母胞弟存亡未
卜夙夜疚心自維明發有懷罪莫大於不孝不可爲子不
可爲人十餘年來隱忍至今何敢以熒熒在疚之身玷高
位而速官謗現閱邸抄烏魯木齊瑪納斯兩城次第克復
伊犁路已通行瀝情稟請

奏明開缺並派員接署俾得早日交卸迅速就道等情前來
臣等查馮煥光從前因公晉省迭次涕泣自陳當以關外
未清無從前進一俟大兵告捷庶可西行曲加慰諭茲閱
所稟爲之惻然竊念蘇松太道一缺爲海關領袖馮煥光
才堪肆應措置裕如接手之人頗難其選惟察核所稟實
出至情至性

聖主以孝治天下 臣等何敢壅於上

聞可否仰懇逾格

天恩准予開缺賞假一年俾得出關迎柩歸葬出自

聖裁除飭該道靜候

諭旨遵行外謹合詞恭摺具陳伏乞

皇太后

皇上聖鑒訓示謹

奏

兩江督憲奏稿

奏爲已故道員純孝可風籲懇

天恩宣付史館以彰至行恭摺仰祈

聖鑒事竊江蘇蘇松太道馮煥光前蒙

恩准賞假出關尋覓父骨本年扶柩東旋在陝西途次接奉

上諭飭令赴部引

見兼程馳歸遽於三月二十八日病故業經奏明在案伏查該
故道馮煥光廣東舉人咸豐三年在京會試其父因案繫
獄奔走營護徘徊請室之外每至廢寢忘餐如是者六年

迨遣戍伊犁隨同前往不忍一日遠離嗣奉父命回京應
試同治元年前督臣曾國藩檄調入營襄理軍事旋丁父
憂間關出塞由歸化城歷蒙古草地數千里烽煙迭警道
梗不前維時直隸督臣李鴻章權攝兩江創立江南機器
局遴知其才檄委總理製造該道以父柩未歸涕泣固辭
李鴻章勛以大義始出任事苦心經營有裨時局而思親
飲泣未嘗一刻忘也同治十三年奉

旨補授蘇松太道屢請解職出關各前督臣均以西事未定道路
難通慰留辦事該道盡心職守者兩年迭任艱鉅中外翕

然光緒二年冬間聞烏魯木齊克復之信竭誠籲請開缺
出關蒙

恩給假一年免其開缺該道冒暑遄行至三年冬間尋獲父骨
扶柩東旋本年三月行抵九江稟稱感沐

天恩擬迅速歸葬後出效馳驅雖赴湯蹈火所不敢辭臣等以
該道才堪幹濟方冀儲爲大用備

國家干城之選不意從親地下賁志無窮茲據署蘇松太道
褚蘭生歷敘該道政績孝行稟請具

奏前來竊思該道贊襄戎務製造船械經理關稅無不心精

力果度越恆流然皆職分當爲之事未足上瀆

聖聰獨其孝思純篤茹痛半生辭職遠行負骨萬里至情至性
足以感動行路古人棄官尋親往往播諸史乘傳爲美談
聖朝以孝治天下凡閭閻士庶著有至行者均荷

恩准旌揚該故道馮煥光孝行肫誠卓然眾著合無仰懇
天恩宣付史館以彰至行出自

逾格鴻慈謹會同大學士直隸督臣李鴻章江蘇巡撫臣吳元
炳恭摺具陳伏乞

皇太后